

國方志叢書·華中地方·第八一一號

據

清·陳蘭森等修，謝啓昆等纂
清乾隆五十四年刊本

影印

江 西 省

南昌府志

(九)

成文出版社有限公司印行

南昌府志卷四十七

名宦 三 知縣 縣丞 教職 主簿 巡檢 典史

奉新縣

唐

高良弼神龍二年任新吳丞始遷縣于馮水之北卽今縣

治也 舊志

劉正一長慶三年爲新吳令築縣土城 舊志

宋

徐用和至道二年任奉新知縣始創學宮以教士累擢至

太子中允 舊志

廖擇字從善衡陽人元祐二年任奉新知縣縣治西有溪每水漲民病涉擇捐俸爲石橋以濟民甚便之名曰通化橋及秩滿當去爭挽留不可得乃留其少子家焉

舊志

上官允若政和五年任奉新知縣捐俸創縣譙樓

舊志

楊萬里字挺秀吉水人紹興進士乾道間任奉新知縣戢追胥不入鄉民逋賦者揭其名市中民謹趨之賦不擾而自足縣以大治

宋史

沈雲舉字鳳翔乾道間任奉新知縣置沃壤以養士蠲圭稅以修陂直分屍之獄雪白骨之冤政以最聞邑德之立

祠以祀

省志

王正邦字榮甫明州人善詩尙氣節不苟取與淳熙間任奉新知縣爲政有操縱事至而應無成心振窮乏時昏姻恤死喪援孤苦皆盡誠爲之

省志

高南壽字景仁福清人淳熙間任奉新知縣大旱禱于城隍有願減十年壽乞爲三日霖之語歲饑白于連帥振廩勸糴荒政具舉時朱熹守南康告糴于奉新南壽曰吾方披髮纓冠以救同室之鬪何暇恤鄉鄰乎謝弗與朱初以遏糴怒之旣而曰使吾屬皆如高令尹吾何憂乎民爲之

立祠

省志

張瑄慶元中任奉新知縣爲民減營田之賦上之州不可

請益堅不勝孤憤欲解印綬去邑人王橫舉幡率眾以留之曰寧民病弗失賢宰今雖不得請後有賢帥與宰意合必得之矣未幾龍圖張杓來帥豫章琯又請得之相賀曰微張君不能爭吾民難爭之賦政聲由是大著

豫章書

張國均字維之南城人嘉定間任奉新知縣創建譙樓及

華豐樓

舊志

按文獻通考載新吳志二卷知縣事肝江張國均撰舊志失載

元

鄧祚寧鄉人大德八年任奉新縣尹元制縣尹例授職田

祚悉以代償百姓之逋者絲毫不以入已民甚稱之

奉新

縣志

明安圖至正間任奉新縣達嚕噶齊十四年春紅巾賊史魯清陷奉新安圖死之

奉新縣志

范壽字子洪富州人任奉新教諭有僧奪學田持訟數載宣政院遣官根勘辭連壽逮問壽不爲屈從容出籍指示官輒執其籍辭色俱厲壽曰此與壽同生死若執之惟有叩登聞求直耳官悟謝之田竟得不奪

奉新縣志

趙把總逸其名奉新縣把總至正十三年秋賊萬餘自武寧靖安至行都元帥府遣把總領兵百餘迎擊敗之賊退

把總以中流矢死民哀而祀之

奉新縣志

明

趙理江都人永樂間任奉新知縣時兵燹初定簡編殘軼理廣諮文獻編輯邑志尤雅意作人有振興文教之功

奉新縣志

璩鎮海常山人宣德間任奉新知縣蒞政廉勤鋤強植弱歲饑賑濟有方縣學田畝科米一石七升租重民困奏蠲十之二民咸德之

豫章書

陳純字希文錢塘人舉人正統間任奉新知縣有惠政吏部以聞特賜楮幣樽酒

明一統志

田濟字汝霖麟遊人景泰進士任奉新知縣以德化民政

平訟理擢御史終大名府知府

奉新縣志

謝煥字世華臨海人天順間任奉新知縣值歲祲賑恤備

至民賴以全活者甚眾累官至九江府知府

奉新縣志

岑方字尚義太平人成化間任奉新知縣縣治前譙樓歲

久傾圯方捐俸構造易以石臺重屋高三丈有奇遂爲一

邑鉅觀及去任貧不能治行李妻笑謂曰何不將此樓去

耶聞者以爲美談

奉新縣志

吳景字伯陽南陵人宏治間任奉新知縣智慮周悉刑罰

平恕崇正黜邪鋤強扶弱風聲節操震動一時

奉新縣志

按明史忠義傳吳景正德中歷官四川僉事時重慶賊曹弼糾眾寇川南御史余縉遁去屬景及都指揮龐鳳禦之鳳邀景俱走景不可率典史張俊迎擊手殺三賊矢被面急入城城陷大呼曰寧殺我無殺士民賊強之跪不屈遂被殺俊亦死

王嶽字希甫雲璧人宏治朝由御史謫奉新知縣風節稜整人不敢犯性尤清介常俸外陋弊汰革殆盡至於賑恤貧寡作興士類極爲加意輿論翕然稱之

奉新縣志

何淳字宗原順德人正德間任奉新知縣爲政寬猛得宜境內大治考最擢南京主事士民挽留者數百人

奉新縣

志

劉守緒字克承興國州人正德進士任奉新知縣宸濠之變起兵赴義以都御史王守仁檄出間道夜襲之伏兵於新舊墳厰破之遂復省城論功歷陞太僕寺卿

豫章書

按王守仁江西捷音疏有奉新縣典史符誠與守緒領兵從間道襲新舊墳厰又平安義叛黨疏檄誠領兵破安義賊楊正賢等動中機宜地方賴以寧謐誠浙江餘姚人舊志無今附錄於此又守緒舊志字克永今從省志改正

朱雲鳳字瑞卿烏程人嘉靖初任奉新知縣時兵荒甫定

簿書旁午雲鳳處之裕如清風逋修廢典撫綏備至一邑晏然嘗編纂邑志繁簡得宜論者以爲信史

奉新縣志

陳仲錄字子載武陵人嘉靖間任奉新知縣甫下車盡革里役冗費獎良善鋤豪強政聲卓然蒞任四年民俗和惠及秩滿去送者千人靡不墮淚

奉新縣志

來汝賢字子禹蕭山人進士任奉新知縣嘗從學于王守仁之門其措施悉有條理蒞邑僅八月卒士民咸悼惜之

奉新縣志

金應徵字懋德長洲人嘉靖間任奉新知縣縣傍山無城應徵捐貲築之後土寇竊發邑賴以全歷陞贛南兵備道

終雲南叅政 奉新縣志

朱南英字子醇山陰人萬厯間任奉新知縣建甌城清地

畝續修邑志累官至叅政 奉新縣志

馮燧字居方慈谿人萬厯間任奉新知縣令民自陳利弊

燧皆次第行之累官至叅政卒民爲立祠祀之 奉新縣志

李元調字玉生太平人萬厯間任奉新知縣首請免九江

協濟民困以蘇 奉新縣志

梁士濟字遂良南海人天啟間任奉新知縣縣有猾胥以

石易帑金者封識如故獄久未具士濟至立發其奸諸猾

震服校士尙經術得人稱盛調清江縣尋擢監察御史 奉

新縣志

李允佐號石鏡福清人崇禎時任奉新知縣數年清逋欠
十三萬有奇歲饑抗議爲民請蠲租賦施粥勸糴荒政具
舉時流賊充斥允佐峻城堞增樓櫓併請復舊哨添新伍
以固城衛旋以計典調去民咸惜之

奉新縣志

何永清字源清潯州人正德間任奉新縣丞華林賊起營
城隍治武備後與子冲霄從副使周憲攻賊于華林冲霄
力戰死之永清亦以勞瘁卒無以爲殮及喪還合邑哭送
奉新縣志

按省志何永清河南開封人

張克靜龍泉人洪武中任奉新教諭學博行修善于教誘
一時賢才彬彬輩出創觀瀾亭于學宮遺範猶存

奉新縣

志

林勤字克廣莆田人永樂舉人署奉新教諭學行醇篤爲
文有古人風致正統丁卯充鄉試同考官得人皆名下士
秩滿致仕學者至今稱之

奉新縣志

唐經衡山人舉人正德時任奉新教諭剛方正大振作士
風學使屢獎異之會缺令上官知其才卽以委經後以卓

異擢九江府推官

奉新縣志

陸任忠南海人嘉靖間任奉新訓導性清介士有以贄幣

見者輒却之衙齋蕭然嘯咏而已與邑令朱雲鳳同修邑志編輯多出其手去取甚公在職九年以卓異累擢至梧州府同知

奉新縣志

聞理鄞縣人嘉靖間任奉新縣訓導嘗被檄賑饑于某鄉鄉人爲設饌理對之泣然淚下怪問之其父諱曰也理時年七十猶孺慕不衰學者無不感化

奉新縣志

朱河建安人隆慶間任奉新教諭諳練典故文辭博瞻上官特重之每有章奏輒命河屬草悉中意旨嘗創與黠亭于明倫堂左日與諸生講論其中士多化之尋遷杭州府

教授

奉新縣志

俞龍起平湖人崇禎間任奉新教諭有悍弁侮辱士流龍起憤甚力爭之上官得論如律頽風爲之一振尋擢去

奉新縣志

徐堯諮號西亭義烏人隆慶間任奉新縣主簿能詩每挂笏嘯咏而政事不廢公餘角巾携杖流覽名勝陶然自得見者不知其爲官也遷王府典膳不就竟拂衣歸

江南志

國朝

胡以溫字德容萬全人順治初任奉新知縣戊子之變士民驚駭逃竄以溫竭力保全百姓恃以無恐尤推獎士類至今稱之

奉新縣志

黃虞再字泰升伏羌人順治進士任奉新知縣時冊籍散軼賦逋纍纍吏胥因緣爲姦虞再知其弊詳請清丈民田履畝勘對積弊爲之頓清又設法均圖里立團練諸政具舉初民頗以爲難久乃食其德虞再執法嚴峻豪民猾吏素橫于鄉里者聞風斂迹俸滿內擢後官江西督學僉事奉新縣志

何嘉祐字子受山陰人順治間任奉新知縣以賦浮他邑逋欠甚多嘉祐立法聽民自限使十甲遞與催首無追呼之擾而賦足又捐己俸修馮川大橋以便行旅在任五年內擢邑民祀之

奉新縣志